
RAGAD ADVERTENTIE:
Kabar premili: 1 — 30 temboeng f 1.—
Langkoengipoen, saben 10 temboeng oetawi
kirang: f 0.50.
Advertentie limrah: f 0.15 sagaris:
(apes: f 1.25).
Moendoet kapatjak langkoeng saking sa-
pisan, oetawi moendoet dados lengganan,
teping rembag roemijin kalijan admini-
stratie.
Hoofdredacteur:
B. SOEMARNA
kabantoe
REDACTIE - COMMISSIE.

SWARA-TAMA

SERAT KABAR KATHOLIEK

== Medal saben dinten Djoemoewah. ==

REGINIPOEN LENGGANAN
SWARA TAMA
sampoen kalijan regining Soeara Katholiek
1 taoen f 7,50 } njoewoen kabajar
1/2 " f 3,75 } roemijin.
Adrèsiipoen Redactie lan Administratie
IGNATIUS - COLLEGE
DJOKJAKARTA.

Drukkerij „Canisius“ Djokja.

ISINIPOEN:
Pembajariipoen paos — Inggih éko-
nomi roemijin — Pangoela-wentah-
ipoen wanita — Katoer kadang wa-
nita — Ngoelandara — Modern sa-
estoe — Kabar Ngidjon — Pakem-
palaan P. G. H. B. — Anggoegoe
oeniné bendé saselé — Ontjen sekar
gambir melati — Oerap-sari.

PRADJA RAHAJOE.

PAMBAJARAN PAOS.
(Inkomsten-en personeele belasting).

Ing ngriki koela keparenga nam-
bahi sawatawis karanganipoen Sad.
Kjai Djaka T. A. ing Sw.T. tg. 15
Nov. '29, awit ing semoe Sad. Kjai
kados boten kober nerangaken ing-
kang radi pandjang. Déné anggen
koela mewahi ing ngriki inggih boten
badé saged pepak, awit koela dédè
Belasting-deskundige, nanging
namoeng Belastingbetaler kémawon.
Trimah lowoeng.

Tjatjahing tjitjilan.

Paos poenika katamtokaken katji-
tijil kaping 5. Wiwitipoen ngantjik
wantjinipoen nitjil (of verschijn-
den) inggih poenika ing tanggal 1
woelan April, Juni, Augustus, Oc-
tober toewin December. Jèn tam-
pinipoen aanslag (serat panarikan
paos) kasèp, inggih sangsaja soeda
tjatjahing tjitjilan. Dados jèn tampi
aanslag tg. 30 Mei, inggih kantoen
saged nitjil kaping 4, jèn tampi
aanslag sasampoenipoen tanggal 1
Oktober, inggih kantoen satjijilan
oetawi mbajar sapisan.

Dados tjekakipoen paos poenika
kedah kabajar loenas ing salebeting
taoen paos oetawi taoen tampining
serat aanslag. Sagedipoen kabajar
ing taoen tjandakipoen, kedah pi-
kantoek palilah saking „Inspecteur
van Financiën, Hoofd der Inspec-
tie” ingkang mbawahaken oetawi
saking ingkang wadjab (B.B. oetawi
Belastingambtenaar). Ing saben kita
karesidénan (oude stijl) wonten In-
specteur kaseboet nginggil.

Wantjinipoen mbajar saben satji-
tijilan poenika dangoenipoen sawoe-
lan, dados tjitjilan tg. 1 Juni ké-
nging kabajar wiwit tg. 1 Juni doe-
moegi tg. 1 Juli l.s.l. tanpa kénging
denda, oetawi doemoegi tg. 2 Juli
jèn tg. 1 Juli kapnoedjon dinten
ageng oetawi Minggoe.

Pranatan denda 5%.

Kados ingkang sampoen kaseboet
ing nginggil, tjitjilan poenika dèrèng
kakéngingaken denda jèn kabajar
ing tg. 1 tjandaking woelan tjitjilan,
jèn pambajariipoen mlangkah malih
saking wantji poenika, ladjeng ké-
nging denda 5%. Oepami paos
f 100.—, tjitjilan 1 April lan 1 Juni
wonten f 40.— jèn ing tg. 1 Juli
mbajar f 40.— poenika doenoengi-
poen tjitjilan 1 April f 20.— saha
tjitjilan 1 Juni f 20.— Inggih ké-
nging denda 5% tjitjilan 1 April,
tjitjilan 1 Juni dèrèng kénging den-
dan.

Pranatan paoekoeman sanèsipoen.

1) Tijang ingkang wadjab mbajar
paos, ing saben wiwitaning taoen
tampi aangiftebiljet, soepados sa-
daja pitakèn² ingkang perloe kanggé
wawaton netepaken katah-kedik-
ing paos, dipoenwangsoeli, toe-
win ladjeng kaladosaken dateng ing-
kang kadjabah nampi. Sinten ingkang
boten nampi aangiftebiljet, kedah
njoewoen pijambak, awit jèn ngan-
tos kasèp anggenipoen ngladosaken
aangiftebiljet, kénging denda 25%
ing paos ingkang samestiniipoen.
Soepados publik saged soemerep
wantjinipoen ngladosaken aangifte,
ing saben-saben wantjinipoen nglado-
saken aangiftebiljet waoe kapatjak
ing serat-serat kabar (Bekend-
making Resident).

Dados Negari boten kénging ka-
lepataken jèn anggenipoen doendoem
aangiftebiljet wonten ingkang ke-
langkoengan. Makaten oegi bab pa-
ngendoemipoen serat aanslag (ka-
tjoendoekna Sw. T. tg. 15 Nov.
poengkasana), jèn ngantos kasèp, Ne-

gari boten kénging dipoenlepataken,
awit Negari sampoen netepaken sin-
ten ingkang wadjab mbajar paos,
kedah ngladosaken aangiftebiljet
oetawi njoewoen soepados katetep-
aken katah-kediking paosipoen,
poenapa malih katetepaken nijat
mbajar paos, sanadjan dèrèng tam-
pi aanslag, inggih badé mbajar . . .
dengan soeka . . . kados ngombé
castorolie!

2) Sinten ingkang noenggak lang-
koeng satjijilan, kénging kapeksa
ngloenasaken sadaja tjitjilan dala-
san ingkang leresipoen dèrèng wan-
tji katjijil. Dados wiwit ing tg. 2
Juli, jèn tjitjilan 1 April lan 1 Juni
dèrèng kabajar, sadaja ingkang dè-
rèng kabajar waoe dalasan tjitjilan
tg. 1 Augustus, 1 October toewin
1 December, kénging katagih sa-
loenasipoen, klajan peksan toewin
denda 5%. Dados manawi paos 5
tjitjilan namoeng kabajar sapisan
ing woelan December namoeng kla-
jan denda 5% tok, tanpa peksan
(zie Sw.Tm. tg. 15 Nov. '29), poenika
saweg saking moedjoeripoen ing-
kang katarik paos! Pantès memoelè!

Déné lampahipoen tagihan pek-
san poenika makaten:

3) Toemrap prijantoe Negari sa-
rana kapotong blandja.

4) Toemrap prijantoe Belasting-
kantoer kapotjot saking pangkat-
ipoen.

5) Toemrap sanès-sanèsipoen ka-
rampas barang-darbèkipoen (dwang-
schrift).

Belastingbetaler.

INGGIH, ÉKONOMI ROEMIJIN.

Ing Sw.Tm. no. 41 sadèrèk Klen-
treng njarijosaken anggenipoen ké-
wedan sareng maos karangan koela.
Pitakènipoen a) tjang Indoné-
sia kénging ngedegaken pabrik
gendis nganggé mesin, nanging sa-
bin ingkang kataneman rosan boten
kénging langkoeng saking 25 baos.
b) ing ngriki wonten politik kori
menga (opendeur politiek) poenapa
poenika dipoenpringaken kémawon?
c) B.O.—P.P.K.D.—P.S.I. poenapa
boten dipoensénggol-sénggol?

Prakawis sabn 25 baos poenika
s a m a n g k é boten dados poenapa.
Inggih nomer satoenggal, dipoen-
tjakaken roemijin. Tjebi-tjebi damel
pabrik alit-alitan 25 baos waoe
kanggé tjobèn. Jèn katingal saé,
ékonomi katingal sempoloer, 25
baos tètela kirang, prakawis ladjeng
karembag wonten ing politik. Poe-
loeh - poeloeh dipoenlilani nanem
rosan 1000 baos, jèn boten dipoen-
tjakaken, poenika tanpa goena. Mila
kaetjakna roemijin. Pawitan? Bank
Indonésiah rak sampoen wonten
oetawi tjang Indonésiah ingkang
brèwoe rak inggih wonten. Inge-
nieur? Inggih sampoen wonten,
kadosta: Ir Soekarno lsp. Dados
wasising panjepengipoen dateng
ékonomi karoemijinaken. Politik
kantoen, kanggé njantosakaken éko-
nomi.

Bab politik kori menga. Poenika
njata a) bangsa ngamantja sinten
kémawon kénging mlebet ing tanah
Djawi. Nanging ta mawi wates.
Manawi tjalon damel kirang tentre-
ming tanah, amargi boten gadah
panggesangan, poenika ngadat ka-
toelak. Ngawisi babar pisan, amargi
welas dateng tjang Djawi mindak
kadesek, temtoenipoen boten gam-
pil, awit tanah sanès ratjak oegi
boten nindakaken makaten. b) bab
dagangan. Barang ngamantja ingkang
mlebet boten katedanan paos (in-
voerrecht) ingkang katah sanget,
ngantos adrih mlebet malih. Politik
kori menga poenika wonten awon-
ipoen lan wonten saénipoen. Saé-
nipoen, ngwontenaken djor-djoran,
moeroegaken tjang Djawi tjapeng,
tjantjoet tali wanda. Awonipoen,
sarèhné tjang Djawi ngoeler kam-
bang, dados kawon desek. Nanging
poenika saking lepat kita pijambak.
Jèn kori boten menga, poenika ma-
noet kawroeh ékonomi, dèrèng tem-
toe manawi tjang Djawi saja beg-
dja. Awit mangké barang wedalan
ngriki aosipoen mindak. Inggih

toembas, sarèhné ékonominipoen
kirang, dados ketèkèng-tèkèng. Tje-
kak, ékonomi karoemijinaken. Poe-
loeh - poeloeh tjang Djawi kasami
kalijan bangsa Éropah, djeboel oe-
tangé marang Tjina méndring: rên-
dèl. Poenika namanipoen: politik
garang, nanging ékonomi garing.

Prakawis B.O.—P.P.K.D.—P.S.I.
poenapa boten kasénggol-sénggol?
Koela boten pisan-pisan badé ngi-
tjali pakempalan politik, sarta na-
moeng merlokaken ékonomi. Kalih-
kalihipoen sami katindakaken, na-
nging ékonomi roemijin, wonten
ngadjeng, politik wonten wingking,
tegesipoen: ékonomi dipoenpeng
sanget, politik dipoenpeng inggih
prajogi, nanging boten sanget. Da-
dos ékonomi lan politik boten ka-
damel sareng (djèdjèr lampahipoen)
awit ékonomi poenika ingkang da-
dos panarik. Inggih sareng, nanging
oeroet katjang, boten djèdjèr.

Kita badé ngadjengaken P.P.K.D.
sarana Soeara Katoelik kanggé ming-
gon oetawi saminggoe kaping tiga.
Poenika boten saged toemindak,
jèn boten katarik ing ékonomi. Da-
dosipoen oepami administratie Soe-
ara Katoelik soegih, para lengganan
sami poeroen ambajar katah, Soe-
ara Katoelik temtoe badé madjeng,
P.P.K.D. saja mindak gagah. Pa-
moedji koela moegi sadèrèk Klen-
treng tjotjoga kalijan koela:

„Jèn Kober.”

LARASATI.

PANGGOELA - WENTAHIPOEN BANGSA WANITA.

Wiwit oemoer pinten laré èstri
kedah kapisah kalijan laré djaler?

Manawi saged wiwit mlebet se-
kolah, dados kinten - kinten oemoer
nem taoen (mila meisjesschool per-
loe sanget), awit ing ngrikoewe-
watekanipoen laré èstri sampoen ka-
tingal béda kalijan wawatekanipoen
laré djaler. Laré èstri badé seneng
lan djenak lelinggihan kasambi pa-
saran; déné laré djaler remen mla-
djeng-mladjeng, boten soemerep ke-
sel lan sajah.

Manoet Ida Winkler ing „Die
christliche Frau” manawi sampoen
oemoer 12 taoen, dados tamat sa-
king sekolahan ngandap, kedah
kapisah: makaten oegi pamanggih-
poen Ida Heyermans ing boekoeni-
poen bab „Meisjesopvoeding”

Sawènèh tjarijos manawi sampoen
wonten ing sekolahan rahi inggil
oepami ing H.B.S. lan Gymnasium,
kedah kapijambakaken. Poenapa se-
babipoen? Boten sanès kedjawi na-
moeng dipoenrembag, jèn laré èstri
wonten ing ngrikoewe badé komperèn,
boten saged sami kalijan laré djaler,
ladjeng ngrendetaken woelangan.
Wontenipoen H.B.S. lan sekolahan
tengahana sanèsipoen mligi kanggé
laré èstri poenika inggih namoeng
ngèneti prakawis poenika.

Déné sebab ingkang perloe pijam-
bak wontenipoen kedah kapisah poe-
nika, sebab kempaling golongan kalih
waoe saged mbabajani dateng ka-
soesilaniipoen.

Manawi laré èstri sampoen tamat
saking sekolahan ngandap, poenapa
ladjeng kedah (prajogi) neroesaken
pasinaonipoen ing sekolahan (pamoel-
angan) inggil, oepami H.B.S. lan
Gymnasium oetawi sekolahan loe-
hoer pisan? Neroesaken sinaoe dados
goeroe sampoen boten dados rem-
bag, awit sok tjanga ngertos lan
ngakeni, jèn pamoelangan andap
kanggé laré èstri inggih betah goeroe
èstri. Lan ing Sw.Tm. minggoe ka-
pengker sampoen koela atoeraken
sapinten pigoenanipoen goeroe; lan
toelada-toelada boten kirang; goeroe
èstri saged njekapilan mrantasi ka-
pasrahan laré ing sekolahan. Ing
tanah kita Indonésiah oegi boten ki-
rang bab poenika. Lan R.A. Kartini
ingkang prasasat dados pangadjeng
pantes dados pangaleman; sanadjan
pandjenenganipoen pijambak boten
ngantos kaleksanan ngasta, ananging
sampoen maringi margi dateng para
wanita sanès kados - poendi sagedi-

poen bangsa koela madjeng i. p.
sarana onderwijs.

Sinten ingkang maos kanti talesih
goebahan koela ingkang sampoen-
sampoen, langkoeng-langkoeng bab
wanita ing babagan sociaal (wanita
kalijan pangkat warni tiga) tentoe
badé ngertos, kados - poendi wang-
soelanipoen pitakènan ing nginggil.
Mila boten soesah koela kaping ka-
lihi malih.

Déné para pandidik wanita na-
moeng kedah ladjeng ngèneti kawan
prakawis, ingkang magepokan kalijan
poenapa kadadosanipoen wanita ing
dinten wingking.

1 Wanita ing béndjing badé njepeng
tek - kliwering grija; dados inggih
kedah kaserep-serepaken koewa-
djibanipoen, kawoelang prakawis
njampedi kabetahanipoen tjang
gegrija. Djaman sapoenika laré è-
stri saged adjar makaten poenika
ing huishoudschool. Manawi laré
èstri wiwit alit sampoen njamboet
damel ing pabrik oepaminipoen,
mangka dèrèng ngertos njepeng
balé grija, poenika kirang prajogi
sanget. Tentoe kémawon „nagara
mawa tata, désa mawa tjara.”

Kanggénipoen nagari Éropah, jèn
laré èstri dèrèng ngoemoer nem-
belas taoen, pantjenipoen boten
kakéngingaken mlebet berah ing
pabrik, roemijinipoen kedah sinaoe
otjal-otjal lan mranata grija. Déné
kanggénipoen tanah Djawi kados-
poendi? Sebab ing ngriki laré è-
stri énggal diwasa katimbang
ing tanah Éropah, tentoe radi kaot
toemindakipoen. Ananging inggih
boten wonten awonipoen, manawi
bakda tamat pamoelangan andap,
ladjeng sekolah teroes ing huis-
houdschool.

Soemangga poenika dipoen-galih;
saboten-botenipoen, manawi mambet
pangadjaran poenika, laré èstri ten-
toe kaot kalijan manawi boten soe-
merep ing serat. Minggoe ngadjeng
ngrembag prakawis teroesipoen.

Noewoen. A.

KATOER KADANG WANITA.

L. S.

Sinten tjotjog?

Manawi koela tiling-tilingaken, sa-
dèrèk koela poenika kok pidjer paben
kémawon. Manawi namoeng tjotjog-
tjotjogan pemanggih (gedachte wis-
seling), poenika saé. Lah mbok mang-
ga sadèrèk sami bedami kémawon.
Sasampoenipoen poenika ladjeng
roekoenan, ngrembag bab, ingkang
badé koela atoeraken poenika.

Mitoeroet pemanggih koela, bangsa
kita wanita poenika, pemanggihipoen
kok boten djembar kados prija. Pa-
mikiripoen langkoeng ringkih tinim-
bang tjang djaler. (Sampoen mesti
wonten ingkang njebal). Margi sa-
king poenika, poenapa prajogi, me-
nawi kita mèmèng, nedyana nandingi
prija? Ladjeng, poenapa prijogi, me-
nawi wanita, ngangsa-angsa, ngarah
dradjading prijantoe kakoeng. (oep:
djoeroe toelis, Assistent).

Saoepami koela gadah pemanggih
makaten „Rèhning wong wadon koe-
wi ringkih, moelané ora pati perloe,
sinaoe kang doewoer². Dadi betjik
satjoekoepé.” poenapa para sadèrèk
sami moepakat?

Kanggénipoen tjang djaler, perloe
sanget; djalaran ing tembé wingking
badé kanggé ngoepados boga. Sareng
kanggé tjang èstri kados - poendi?
Poenapa inggih makaten? Kados-ka-
dos boten. Dados, (kinten²) boten
wonten awonipoen, manawi para Wa-
nita, boten mèmèng dateng pasinaon
ingkang inggil², sok oegi tjekap,
kanggé nindakaken pakarjanipoen.
Poenapa ta pendamelan kita? Ing-
kang katah inggih wonten ing grija.
Makaten poenika sampoen pan-
djang lébar dipoenrembag déning
sad. A. Swasti Astoetilah.

Gegajoeitan kalijan kaotaman, poe-
napa boten prajogi, menawi moerid
èstri kapisah kalijan djaler? Kinten-
ipoen para kadang sami roedjoek.
Lha kados-poendi tjaranipoen? Moe-
rih saénipoen, kados boten wonten
sanès, kedjawi ngindakaken tjatjah-

ing pamoelangan èstri. Manawi W.K.
saroedjoek, oetawi notjogiatoe koela
poenika, kintenipoen inggih saged
kaleksanan. Menawi nginggil ngga-
lih kekatahen ragad, inggih boten
soesah gangsal klas (volledige meis-
jesschool), nanging 2 klas (vervolg).
Nitik kawontennan, laré èstri oemoer
10 taoen sapengandap kénging ka-
tjampoer kalijan laré djaler. (Maka-
ten poenika panggénan ingkang boten
wonten sekolahan èstri).

Semanten kémawon roemijn, min-
dak ngéwahaken soeraos.

S. Hartati.

V A R I A

„NGOELANDARA.”

Nanggapi sadèrèk:
M. J. S. Hardjasebrata.

Ki raka, kagoenganipoen oréjan
saestoe adamel ébahing manah koela,
tjebi koela bèbèriipoen:

Mgr.: Gibiër ngandika: Njam-
boet gawé, andandani kabar katha-
liel ikoe: sanjata perloening aperloe.

K. S. Bapa ngandikani para: djoer-
nalis Belgi ingkang sami sjoen:
lajang kabar mangkono gegaman
kita kang perloe déwé. Sakèhing
propaganda ikoe, tanpa goena, jèn
tanpa lajang kabar.

Déné samangsa si lajang kabar
wis koewat temenan, si propaganda
lija-lijané wis prasasat, ora perloe.
Seratipoen K.S.B. Pius IX 7-1-
1860 mratélakaken padamelanipoen
sang Soebagja Don Bosco ingkang
ageng pijambak, anggéneng: anda-
dosi djaman bibran, i. p. sarana:
serat kabar.

K.S.B. Leo XIII: Lajang kabar
katholiek mangkono, minangka srana
tetamènging kanjataan, lan pangle-
boering door angkara. O. Taksh
katah sanget toenggilipoen pangand-
ikaning para djanggol, djemplon,
ingkang mratélakaken, sapinten a-
genging pigoenanipoen serat kabar.

Makaten pangandikanipoen para
pinoendjoel, lan para soegih koepija.
Sanjata inggil-toedjoenipoen serat
kabar tjap: „katholiek.”

Poen serat kabar pijambak, para
pambantoe toewin ingkang ngasta
tetangsoel, poesara, boten namoeng
sami badé obrol, aben: aloesing
temboeng, keplasing gagasan, ing-
giling seserepan, oetawi pados goe-
djeng goemer-agoemerah - nanging-
noentoen - dateng: ingkang njata,
ingkang leres, ingkang soetji. Boten
namoeng sami ambangoen, njæk-
ken donja poenika, wangsoel oegi
ngarah ngrembag donja ing béndjing.

Nitik kawontenanipoen: tanah
toewin bangsa kita Noeswantara,
gesangeng agami kita wonten ing
riki, adegipoen sadèkèk kita katha-
liel ing tanah kita, koela sadaja
ngakeni — bilih boten saged: tanpa
serat kabar katholiek.

Nitik wontenipoen gesang pasra-
woengan ingkang katah boten tjot-
jogipoen lan dedasar kita, wonten-
ing kasoesilan ingkang saja andla-
roeng, andloea-keladjeng andlaoek
. . . wontèning panggoela-wentah
ingkang saja njélaki Pangéran, ma-
terialistisch, perloe sanget manawi
serat kabar kita waoe kijat-santosa.

Langkoeng malih, nitik, — wonten-
ipoen gotrah kita ingkang saja pen-
tjar, saja kebak pepalang, boten sepi
ing panjenggting ngantos prasasat
mèh boten kénging katahan, perloe
sanget bilih gotrah kita kedah saja
langkoeng gandèng, sarana...? serat
kabar.

Dados serat kabar kita: perloe
ageng-santosa, kerep medal.

Poen serat kabar saged ageng,
oeger para: sinoeng setalpen kersa
napakaken pènipoen, Swaratama
boten kekiranagan gagang pèn isèn,
wah kagoengan potlot ing poendi-
poendi panggénan.

Poen waraStama saged makaten,
saoeger akendit ringgit.

La-poenika poentoning rembag—
Sadèrèngipoen makaten koela badé
goemoen roemijin.

Poenika lo, goemoen koela...!
Swara-Tama poenika, nitik pang-

génant taonan, sampoen oemoer 9 th.
a. Ewadéné ingkang: lengganan teka saweg semanten? O, inggih sabab poenika: katholiek, tjiang limrah boten dojan, kedjawi bangsa: R. K. b. Lo, la kok boten sadaja gotrah R. K. sami lengganan inggih...? poenapa sababipoen?
c. Saking lengganan sakedik samanten, arta abonné teka meksa taksih ngentar, inggih...? poenapa sababipoen?
Mangka prijantoen ingkang ngentar waoe: katah ingkang sami lengganan koran sanès, koewadjabanipoen saé...!
Inggih bab: b. lan c. poenika ingkang saèstoe adamel goemoening manah koela:
Poenapa sababipoen? poendi ingkang taksih kirang leres? o baja ketemoé mana...!
Mangga sadèrèk, K.W.K.W., P.K.W., dipoenpadosi, koela: satoeng-giling lid K.W. njoewoen miterang dateng P.K.W., sesepoeh! poenika lo—wonten oeroesan. Saèstoe éman-éman, jèn sadangoenipoen badé tansah makaten.
Oeger² dados rembag, oesoel, nanging sakedap kémawon ladjeng: tjeeeeeep kados orong-orong kapitet. Hem...!!!!
Mangsoeli atoe koela ing nginggil, poen Sw. Tm. temtoe saged inggil, sa-oeger akendit ringgit.
Dados Sw.Tm. — betah: betah. — golèk geni adedamar, wong ngang-soe pikoelan warih. Makaten paribasaniipoen.
Mila, sagedipoen Sw.Tm. soegih, namoeng, manawi gadah lengganan katah.
Sagedipoen gadah lengganan katah, namoeng manawi: saged ngladosi tjiang katah. Déné sagedipoen ngladosi — oegi mawi ragad — lo ragad malih...! inggih mila makaten.
La sapoenika kados-poendi sagedipoen angsal ragad — mangga kagalih...! K.W.K.W., P.K.W. mangga kapanggalih! P.K.W. sesepoeh — poenika lo! wonten panggalihan! Poenapa aandeel — poenapa: entree miroenggan...! poenapa sami damel lotré!! Pèn koela njrijosi: boten soesah ngaten-ngaten, kados sapoenika poenika kémawon, oeger sadaja gotrah R.K. sami lengganan, Sw. Tm. badé soegih — ladjeng saged...!
„O pèn, soekoer jèn mangkono, nanging nitik sing oewis kelakon — teka: ORA BISA.
Mangga manawi njata badé andadosi serat kabar saèstoe! rak inggih makaten ta ki raka M.J.S.? C. Ordeeka.

MODERN SAÈSTOE?

Ing kala warti kita ing riki mentas wonten pasaelajan prakawis modern contra kolot. Koela boten badé tjawé-tjawé dateng ingkang nembé.... poenika. Mangsa boronga, ning boten roedjoek jèn sadaja-sadaja doepèh modern ladjeng kaasta tjeg-gemek.
Wingi-embèn serat-serat kabar dedreg ngrembag réma boekoeangan, ladjeng kain krawangan, vrouw fiet-sen, sapoenika wonten ingkang taksih anget i. p. dansah tjara modern (moderne dans).
Warga P.P.I. katah ingkang roedjoek dateng prakawis poenika, katjeta wonten kalawarti „Istèri.” Prakawis poenika badé karembag wonten ing kongres béndjing woelan December ngadjeng poenika. Wonten ingkang tjrijos bilih poenika satoenggiling sport ingkang ndjamani lan tjotjog sanget kalijan kasoelasan wanita. Wadoeh lé madijoe ta nèh??? Wanita Katoelik, ingkang dados oetoesan ing kongres ngadjeng, ngatos-atos!
Manawi tjiang accoord dateng prakawis bekta modèl baroe poenika, margi satoenggiling „kunst,” kanggé sport, sebab poenapa jèn bekta kok boten kakoeng sami kakoeng? Kok kedah poetri kalijan kakoeng? Poenapa jèn kakoeng kalijan kakoeng, oetawi wanita kalijan wanita ladjeng boten nama kunst?
P. S. I. Sitti Moendjijah, bestuur P. S. I. afdeeling wanita, wonten ing Openbare vergadering (Madijoen), voordracht ingkang wosipoen:
a. Ngengetaken kadang wanita kedah waspaos dateng ebahing djagad modern, djalalan jèn kirang wéwéka, saged ngrisakaken kaoem wanita Indonésia.
b. Natjad para moeda ingkang sami goda-ginoda, i. p. prija moeda contra poetri timoer, margi kemo-dern ladjeng noewoehaken...
c. Natjad para sardjana ingkang sinaoe dateng Europa, kédanan modern Europa, ngantos sami „ambil njonia Europa”!!!
Wanita nempoeh politikiek. P.N.I., B.O., P.S.I. lan sanès-sanèsipoen sami mropagandani para wanita, soepados samia lenggah ing djaman „kamadjeangan.” Margi poenika ladjeng katah para wanita ingkang „djoemangkah dateng politikiek.” Langkoeng-langkoeng ingkang terpeladjar, Na-

nging émanipoen kok inggih ladjeng andjog pro dateng bekta modèl kilènan.
Kanggénipoen sakoela, roemaos bingah déné bangsa kita wanita Djawi sampoen sami poetoets ing oelahing kawignjan. Djaman 25 taonan kapengker, sadèrèk koela wanita Djawi mèh sadaja taksih: „interin beras.” balik sapoenika sampoen katah ingkang: „intelect saèstoe.” Nanging émanipoen teka kirang panitnipoen priksa dateng pangangsoenipoen kawroeh kilènan. Katah ingkang doepèh wonten satoenggiling prakawis ingkang „anjar-katon” kémawon ladjeng kaasta, kasinaoe, katiroe, rebat roemijin: djalalan jèn ngantos kantoen, mindak keselak angsal titel kolot, margi dèrèng ngambah djaman énggal waoe. Poendi ingkang roemijin pijambak ladjeng angsal nama „kaé ta ngono. Kanggé tjonto ingkang ngroemijini pijambak „Verpleger lan Verpleegster” Soerabaja ingkang sami dansah, ladjeng dados sekar lambé. È, kesoepeh waoe, boten namoeng sadèrèk wanita ding, nanging wanita lan oegi prija.
Panjoewoen koela, menawi para gotrah Katoelik sami nggeboer ing kalangan kamadjengan sampoen ngantos tilar ing wéwéka. Awit pangatos-atos mekaten boten wonten awonipoen. Poenapa déné pandemèn R. K. oegi boten kénging kantoen, djer sapari polah kita poenika tansah kaoelat-oelataken lan katilingtilingaken golongan sanès. Samangsa wonten awonipoensakedik kémawon, ladjeng dipoenkono-kono, teroes angsal tjap kandel „lah koewé lo, nèk wong R. K., djaréné nèk R. K. mono... sareng saé... S. D. MARTAJA.

SAKING PAKEMPALAN.

KABAR NGIDJON.
Verslaggever G.T.H.A. njerat makaten:
Kala tanggal 14 woelan October kapengker poenika para sadèrèk Katholiek ing wewengkon Ngidjon sami saraséan wonten ing sekolahan Troekan Klepoe katoentoen ing pandjenenganipoen R. M. Hadiatmadja; wiwiting bikak saraséan djam 4, katoen sadèrèk wonten 22. Toedjoenipoen pamedar sabda nerangaken bab koewadjabanipoen tjiang Katholiek gesang sesarengan, poenapadéné sesanggèn-sesanggèning gesang Katholiek. Sasampoening para sadèrèk sampoen mangertos, ladjeng ngawontenaken sadèrèk ingkang dados Pangrèh grédja, ingkang kapilih kanggé voorlopig Pangrèh grédja: R. M. Hadiatmadja pangarsa, St. K. Darmasoeprapta panitra, A. D. Partasoesarma hartaka lan kabantoe koster kalih.
Bakda poenika ladjeng ngwontenaken pakempalan Pangrokti-laja. Ingkang dados awak²ing P.P.L. sadèrèk G. T. Hardja Adisoemarta pangarsa, F.M. Hardjasoemarta panitra, D. Ngadikoen pangrokti arta. Sadèrèk pangarsa P. P. L. ladjeng nerang-nerangaken kanti sadjlèntèrèh-djlèntèhipoen; Menggah toedjoe lan goenanipoen pakempalan waoe. Wasana para sadèrèk ingkang rawoeh sami ngersakaken dados lid. Sareng sampoen djam 6 saraséan katoetoep mawi adat Katholiek.
ACTIE OEMOEM.
Ngleresi tanggal djawi poernama; dawah tanggal walandi 15/16 November 1929 para prijantoen goeroe-goeroe reh A.W. Minggir, Majoe-dan lan Godéjan, sami ngwontenaken pepanggihan, wonten ing dalemipoen mantri goeroe angka II Goepmèn ing Ngidjon. Tapoeiking pepanggihan djam 8 sonten, ingkang rawoeh wonten prijantoen 28 wakilng pamarintah 2. Antjasing pepanggihan ngroekoen lan ngraketaken pitepangan lan sasedèrèkan ingkang noenggil pakarjan; boten mawang agami, srana katangsoelan, tangsoeling katresnan, déning sesorahipoen sadèrèk goeroe Godéjan, kasambet sadèrèk sanès. Sadaja waoe nerangaken toedjoening tresnaning sadèrèkan. Sareng sampoen karembag moejeg, para sadèrèk 28 waoe sami saéka kapti, ngwontenaken pakempalan moerih lestaring sasedèrèkan; pakempalan waoe kanamakaken: Saraséan Goeroe-goeroe oemoem ing Ngidjon; margi ingkang kanggé zetel ing Ngidjon. Ingkang dados pantoentoening S. G. O. inggih poenika sdr. Martawisastra (goeroe Godéjan), pangarsa: G. T. Hardja Adisoemarta (goeroe Troekan Klepoe), panitra: sdr. Martasatradhiardja (goeroe Majoe-dan), hartaka: R.M. Martajogijana Balangan lan H. Abdoelrahman Kedoengbantèng noepiksa. Sareng pangarsa sampoen nerang-nerangaken toedjoening S. G. O. ngraketaken kaperloean oemoem ingkang gegandèngan pangkat goeroe, pepanggihan djam 1 daloe katoetoep kanti wilodjeng.

Perloe oemoem katholiek.
Nalika tanggal 24 November '29 ngleresi ing grédja Ngidjon wonten saosan koerban Mis Soetji, bakda Mis Soetji para goeroe-goeroe Mis-sie lan goepmèn ing Ngidjon, Sedajoe, Goeboeg, Bata, Ploegon sami kempal wonten sekolahan Troekan Klepoe perloe nampi sesorahipoen sad. Paulus Kandang goeroe ing Moentilan. Sadèrèngipoen tapoek, pandjenenganipoen nepangaken roemijin. Wasana ladjeng ngandaraken, anggèning pandjenenganipoen saking Moentilan tebih-tebih kerajara doemoegi ing Ngidjon poenika perloe nawèkaken dadaganganipoen, woedjoed pakempalan Van Lith Stichting. Amargi saking loewes wiragening pangrembag, sesorahipoen noedjoni manahing para sadèrèk ingkang nenggan. Wasana sareng sampoen rampoeng wonten sadèrèk 12 ingkang karsa dados lid V. L. S. déné para prijantoen ingkang boten ndjoemenengi sanès dinten temtoe inggih badé loembet. Wasana sareng djam 1/2 12 sasampoening para warga V. L. S. napak asmanipoen, sesorah katoetoep mawi adat katho.

PAKEMPALAN P. G. H. B.

L. J. martosaken kados ing ngandap poenika:
Nalika tanggal 24 November 1929 ing pamoelangan Sosrowidjajan wonten parepatan P.G.H.B.; wiwit kabikak ± djam setengah 10 éndjing. Ingkang andjoemenengi pakempalan waoe pepak i.p. saking golongan H.K.S., P.S.O., K.B., P.N.S., P.G.B., lan P.G.A.S.
Sasampoening pakempalan kabikak déning Pangarsa, ladjeng maos notulen, toewin angabsahaken pisan. Bakda poenika toemoenten lezingipoen sdr. Wignjasoemarta, Hoofdschoolopziener, wosipoen anoedjoe ékonomi, bab tjèlèngan.

VAN LITH-STICHTING

POENAPA
pandjenengan sampoen
NGISÈNI
„serat kasagahan”
dados contribuant
VAN LITH-STICHTING
?

Pangrèh V. L. S.
p/a Bijz. H.I.S.
MAGELANG.

Menggah kita goeroe poenika koewadjaban andjagi kawilodjenganing laré, inggih ing bab badan lan inggih ing bab njawa.
Andjagi kawilodjenganing njawa, ing ngriki boten anggepok menggahing akèratipoen (mindak kelebeten). Ingkang kakarsakaken, anglaras gesangipoen sadoemoegining kawilodjengan.
Bab andjagi kawilodjenganing badan, poenika wonten 2 warni i.p. njoemerepi rechten (bener) toewin njoemerepi plichten (koewadjaban). Sadaja poenika waoe gandèng kalijan gesang sesrawoengan; awit ing ngatasing gesang sesrawoengan, manawi namoeng manoeit groebjoeg kémawon, poenika kirang oetami.
Manoet andaranipoen Mr. Singgih, manoesga poenika kedah anggadahi zelfbewust-zijn, ingkang ing tembé wingking ngawontenaken zelfbepalen, wasana saged damel mageding kamanoesnganipoen pijambak-pijambak. Déné ingkang boten kanggènan poenika tetep namoeng: manoesngan-manoengsan.
Paedagoog ateges opvoeder, dja-winipoen toekang anggoela-wentah, temboeng poenika waoe-waoenipoen ateges réntjing-toembasan, ingkang damelipoen ngeteraken laré sekolah, dateng pamoelangan.
Réntjing toembasan nedahi margi ingkang kaambah toewin ngantjer-antjer toedjoening sedy a.i.p. pamoelangan.
Wondéné wontenipoen sapoenika temboeng poenika waoe dados se-seboetan ingkang moelja, awit ateges pantoentoening laré dateng kawilodjengan, dados wangsoelaning pitakèn:
1. kados-poendi kawontenanipoen.
2. kados-poendi toedjoenipoen.
3. medal poendi merginipoen.
Sebab saking poenika, sang pamedar sabda ngalembana sanget dateng wontenipoen: **pandoe**; awit pandoe poenika **sagah, manggihaken toewin nedahaken marginipoen**.
Mila manawi boten poeroen ngéklasaken anakipoen dateng pandoe, inggih kedah dados pandoe pijambak, anoentoen anakipoen medal margi sanès, ingkang tjotjog kalijan

ANGGOEGOE OENINE BENDE SASELE.
Redactie de „Koerier” mengantoeke????? Pandji Poestaka leres???
— o —
É, é, é, é, tah, tah, tah. Sabar ta sabar sadèrèk!! Sadjaké teka arep golèk beneré déwé. Mangké ta roemijin; sampoen kesesa ta jèn rem-bagan poenika, mindak ngoweroa-ken panggalih. Andoemoek lepating sanès poenika kénging kémawon, sinten ingkang badé ngawisi, anan-ning inggih kedah kinantèn boekti ingkang maton. Ngoengelaken de „Koerier” mengantoeke soemangga, oeger angga prijangga boten saré poeles kémawon; awit jèn makaten mangké ladjeng nama „de pot verwijt den ketel, dat hij...
Tjiang poeroen toemandang poenika rak temtoe sampoen wonten tjepenganipoen; gadah boekti; kados pandjenengan inggih makaten oegi, kagoengan boekti (bewijs)... Ananging boekti satoenggal dèrèng kantenan leres, sampoen dipoenoe-gemi njata. Kados-poendi ta??? Tjobi poen priksani...
Pandji Poestaka No. 94 ddo. 22 November 1929 nerangaken: potrèt ingkang manoeit Sw. Tm. No 40 tanggal 15 November 1929*) ingkang kaitjangan ing sisih nginggil, poenika pamendetipoen saking serat kabar de „Telegraaf” ddo. 25 September 1929 avondblad. Tjobi koela tjoeplikaken sawatawis: „Ketahoeilah pembatja, gambar itoe kami ambil sebagaimana adanya, keterangan dibawahnjapoen kami salin sebagaimana adanya djoega, tidak ditambahi tidak dikurangi, djadi kalau air adalah ia air jang sesoetji-soetjinja. (Pandji Poestaka No. 94 ddo. 22 Nov. 1929 katja 1487).
Ingkang makaten poenika noewoehaken pitakènan makaten; o, dados jèn panedakipoen leres plek, poenika ladjeng kedah leres oegi ingkang dipoen tedak? Kados-poendi ngertosipoen manawi toja waoe bening njaron, soetji?? Kados-poendi ngertosipoen manawi pola waoe njata sanèstoe?? Sebab pamolanipoen titi, manoeit wontenipoen ngrikoe? Kan een zeer zorgvuldig bewaarde leugen waarheid worden, vraag ik mij zelf af?
) Poenika sanès petikan saking de „Koerier”. Red.

Sapoenika kados-poendi, poenapa manawi sampoen saé pamolanipoen ladjeng boten kadoenoengan lepat?? Koela ngakeni jèn lepatipoen Pandji Poestaka namoeng saking kirang tinipoen kémawon. Djatining lepat doemoenoeng ing serat kabar de „Telegraaf”, ingkang temtoenipoen nemaha andjarag ngèwahi poen potrèt.
Sinten ingkang maspaosaken, poeroen nanding potrèt ing Telegraaf kalijan serat „de Katholieke Illustratie” toewin het „Zondagsblad van de Maasbode,” tentoe teroes saged mastani bédanipoen.
Ewasamanten Pandji Poestaka teka boten. Lah poenika klintoenipoen, anggènipoen kirang nastiti. Poenapa Pandji Poestaka mbokmanawi boten gadah pola sanès kedjawi de Telegraaf??? Jèn namoeng poenika, lah kirang maton, sebab de Telegraaf poenika satoenggiling koran ingkang boten dojan (ngadjengi) sadéan Katholiek, dados wonten èmpèripoen manawi nindakaken makaten poenika. Poenapa Red. boten priksa bab poenika?? Poenapa de „Katholieke Illustratie” ingkang kasebaraken langkoeng saking 100.000 (satoes èwoe) exemplaren, boten ngantjik dateng kantor Pandji Poestaka??

Mila kita tansah badé angonan-dika: „ana ing ngendi baé doenoengé nétral ikoe”?? Ngemohi dateng samoeakawis, ingkang adamel indaking kamadjengan lan kasoelasan (cultuur) ingkang andjrah soemebaring sadjagad rat, poenapa poenika ingkang dipoenwastani nétral? Soemangga anggènipoen badé mastani. Ananging kawoeningana. Pandji Poestaka dèrèng naté sapisan kémawon (sebabipoen kilap) ngewrat potrèt saking djagad Katholiek, ingkang ta prabawanipoen (invloed) dateng gesang sesarengan boten nama sakedik, malah kénging dipoenwastani katahing-katah.
Kawoeningana: ngèndelaken kémawon (doodzwijgen) poenika oegi soelaja (tegen) lan kanétralan, sami kémawon kalijan adamel propaganda. Sampoen samanten kémawon.

Pararta.

toedjoenipoen pijambak.
Djaman sapoenika djaman angèl, liripoen katah alanganipoen. Menggah donja poenika ingkang katah-katah mastani, sapoenikanipoen (maatstof v/d beschaving) oekoer-anipoen kasoelasan manoeit wontening jatra. Manawi kita tanpa jatra, masti diipoensapèlèkaken ing lijan.
Mangka kita poenika kagolong kaoem milarat, menggahing oekoer-aning kasoelasan bab jatra; pramila kita wadjib ngoedi, kados-poendi sagedipoen éwah dados saé.
Menggah srananipoen poenika boten tjepak dipoenpengalih kémawon, nanging kedah dipoentandangi jektosan; awit badé boten tjepak mawi rerembagan kémawon, kedah njamboetdamel.
Mila manawi sami moepakat, soemangga sami nandangi saebab kémawon i. p. pokipoen: sampoen ngantos kirang jatra.
Sdr. Dwidoeswojo sampoen angandaraken jejasanipoen bab: tjèlèngan: ingkang kawastanan „Mardika”.
Ing soewaoe namoeng saged njekapi betahing warganipoen, nanging dangoe-dangoe saged ambijantoe sakdjawining warga.
Kita sadaja doemawah ing kemlaturan, mila kedah ngoedi soepados wal saking kamlaratan; nanging pangodi kita boten kénging ade-dasar kasesa, awit poenika malah moeroegaken tanpa goena.
Gesang kita poenika kapérang:
1. gesang ingkang sampoen tata; liripoen blandjanipoen toerah, bab poenika namoeng sakedik tjatjahipoen.
2. gesang ingkang tata, nanging tatanipoen poenika waoe djalalan kepeksa. Liripoen, inggih gadah barang, nanging inggih gadah samboetan, dados manawi kanggé njaoer barangipoen inggih telas.
3. gesang morat-marit.
Blandja sakedik, nanging pan-tjenipoen betahipoen katah, poenika ingkang pantjen angèl tinata.
Inggih ingkang nomer 3 poenika kaoedi amrih sagedipoen tata. Sigeg.
Sdr. Soerasoegonda amewahi sesorah babsaéning ekonomi, manoeit ingkang sampoen dipoentindakaken pijambak, sarana njerati mlebet medaling jatra, ingkang katampi lan

ingkang kedah kaboetjal. Poenapa malih oegi njateti barang kagoenganipoen sadaja, ing dalem setaoen-taoenipoen, ngantos tiliti sanget.
Dados ing dalem setaoenipoen, saged njoemerepi kawontenanipoen. (Poenika ingkang prajogi katiro).
Kadjawi poenika oegi nerangaken mageding temboeng ingsoen, sagedipoen mandirèng pribadi.
Ing atasing oemoem, ingsoen poenika dados kawoela; nanging ing atasing salira pijambak ingsoen poenika mandirèng pribadi, dados angradja. Ing ngriki rehning djoemeneng radja kedah langkoeng setrèng katimbang djoemeneng kawoela. Setrèng dateng blandjanipoen pijambak poenika langkoeng saé katimbang dateng lijan.
Mila manawi njingkir morat-marit, kedah anggadahi compas: „emoh morat-marit.”
Menggah ingkang dados oebarampènipoen „emoh morat-marit” poenika „NRIMA”, liripoen sanadjan sober kados poenapa kémawon inggih kedah narimah.
Mila „emoh morat-marit” poenika kedah kakijataken déning kadjengipoen pijambak „zich zelf helpen”. sigeg.
Kadjawi poenika wonten sadèrèk sawatawis ingkang pitakèn, ing semoe wonten raosipoen andébat. Ing ngriki ladjeng kasapih déning pangarsa, wasana sami narimahipoen.
Ing wasana parepatan ladjeng ngrembag serat saking Hoofdbestuur prakawis: contributie, organisatie toewin organa.
Bab organa tjabang P. G. H. B. Ngajodja moepakat bilih dados lembaran, awit medalipoen langkoeng kerep, toer reginipoen boten sapintena. Badènipoen medal seminggoe sapisan, nanging pangarah sageda dados koran padintenan.
Rening koran badé njowok agenging contributie.
Bab organisasi taksih ngentosi serat saking Hoofdbestuur.
Ing taon poenika P. G. H. B. boten ngawontenaken pista, amargi wekdalipoen, saweg sober.
Wasana watawis djam 1 sijing parepatan katoetoep, kanti atoe panjoewoen dateng sadaja ingkang sami ndjeneng, toewin dateng ingkang ngowaoasi pamoelangan Sosrowidjajan, poenapa malih dèrèkan soegeng kondoe.

O E R A P - S A R I .

K A B A R K A T H O L I E K .

Roem kalijan Arab.

Nauen 19 Nov. (*Aneta radio*).
Kabar saking Roem anjarjosaken bilih ngarsa dalem Ingkang Sinoehoen Kangdjeng Santo Rama andawoehaken dateng Kangdjeng Maha Biskop Hadshun ing Palestinah soepados njaroedjoe ki poenapadéné ambijantoe sedyanipoen pakempalan-pakempalan Arab angajomi papan-papan soetji. (Manoet katranganipoen redactie *de Koerier* prakawis poenika namoeng ingkang toemrap klaagmuur kalijan Masjdijipoen Oemar).

Gandèng kalijan rembag ing nginggil, Sw. T. kapeksa njaroewé angènipoen *Bahagia* mretal temboeng *Heilige Stoel*. Tilgram ing nginggil poenika ingkang saking Aneta radio, makaten: „Uit Rome wordt gemeld dat de Heilige Stoel den Katholiekken Aarts-bisschop van Palestina, Monseigneur Hadshun, opdracht heeft gegeven om aan de Arabische organisaties de sympathie met en medewerking te verzekeren aan de door die organisaties in het werk gestelde pogingen om de heilige plaatsen te beschermen.”

Bahagia ingkang metik tilgram Locomotief (koela boten mangertos kados-poendi oengeliipoen tilgram Locomotief), moengel makaten: „Rome 20 Nov. (*Loc*). *Toewan Stoel jang soetji*, jaitoe seorang aarts-bisschop di Rome telah mengirimkan kabar oentek menandakan setoedjoe Paus di Rome dengan pergerakannya bangsa Arab, sedang Paus akan sokong mereka oentek membela tanah soetji itoe.”

Pretalan poenika ingkang tétéla kedah dipoensaroewé i.p. temboeng: Toean Stoel jang soetji. *Redactiening erat kabar (padintenan) pantjenipoen kedah mangretos bilih Heilige Stoel poenika sami kémawon kalijan Z. H. de Paus. (Red.)*.

Maha Biskop ing Utrecht séda.
Kala tanggal 18 Nov. poenika, pandjenenganipoen Kangdjeng Maha Biskop Henricus van de Wetering ing Utrecht séda.

Pandjenenganipoen mijos wonten Hoogland kala 26 Nov. 1850. Djinebadan dados imam kala taoen 1874. Djoemeneng Maha Biskop wonten Utrecht kala 2 Nov. 1895. Lalabetanipoen Kg. Maha Biskop van de Wetering katah: parochi-parochi, Grédja-grédja, toewin sakolahan-sakolahan. Wontening aarts-bisschoppeliike kweekschool kalijan kerkelijke muziekschool poenika inggih saking lalabetanipoen Kg. Maha Biskop van de Wetering. Samanten oegi adeging pamoelangan loehoer Katholiek poenika ingkang sapérangan ageng inggih margi pandjenenganipoen.

Kg. M. B. van de Wetering nalika soegengipoen oegi sineboet: Ro-meinsche Graaf, Commandeur in de Orde van Oranje Nassau; Magistraat Grootkruis der Heilige en Souvereine Militaire Orde van Jeruzalem kalijan Souvereine Orde van Malta; Grootkruis der Orde van het H. Graaf; Grootcommandeur der Koninklijke Huisorde van Hohenzollern. **Sang praboe Victor Emanuel martamoe dateng Vaticano?**

Sang Praboe Victor Emanuel, nata Italie sakalijan pramèswari poenapadéné poetra-poetra, kawartosaken badé martamoe dateng Vaticano.

Kados-poendi tata-tjaranipoen Nata Vaticano nampèni pisowanipoen ratoe-ratoe Katholiek? Kados ingkang sampoen-sampoen, (tata-tjaranipoen) wonten warni kalih. Ingkang satoenggal kados nalika pisowanipoen Nata Sepanjol kala sawatawis taoen kapengker. Inggih poenika: Ngarsa dalem lenggah wonten dampar ing salebetipoen bangsal Consistorie, kaadep sadaja Kardinaal ing Roem. Para nata ingkang badé sowan tinampèn kanti

pangadji-adji wonten palataran Damasus, ladjeng kairid minggah. Doemoegi badé malebetipoen dateng bangsal-bangsal dalem, binagèkaken Kardinaal-Diaken tiga, ladjeng kairid dateng bangsal Consistorie. Nalika tamoe waoe mlebet, para Kardinaal sami koeremat ngadeg. Ratoe Katholiek ingkang sowan teroes madjeng doemoegi satjaketing palenggahan dalem. Ratoe waoe teroes netjep asta dalem, ladjeng maos poenapa-poenapa ingkang badé kaatoeraken (toespraak), sarta ladjeng kaparingan wangsoelan. Sasampoenipoen makaten, sampéjan dalem djengkar saking palenggahan tedak dateng bangsal partikelir, kalijan sang Praboe.

Katjarjos nalika sowanipoen Nata Sepanjol, radi njolajani kalijan tata-tjara kaseboet. Inggih poenika, Sang Nata sakalijan Pramèswari mawi djèngkèng njoedjodi pada dalem.

Kadjawi tata-tjara ing nginggil taksih wonten tjara satoenggal malih, kados nalika sowanipoen Nata Belg. Tata-tjara poenika bédà kalijan tata-tjara ing nginggil. Doenoenging bédanipoen: Kangdjeng Santo Rama boten ngentos wonten bangsal Consistorie kaadep para kardinaal. Ngarsa dalem anggènipoen manggihi wonten bangsal alit (troonzaal), sarta ngentos wonten taloendaking bangsal waoe.

Béndjing manawi Nata Italie martamoe dateng Vaticano, kawartosaken ngarsa dalem boten ngagem salah satoenggiling tata-tjara kalih kaseboet nginggil. Semoe-semoe-nipoen badé ngagem tata-tjara énggal ingkang mèmper kalijan tata-tjara kalih waoe.

Imam ahli barang kina.

Pastoer Bernardin Azaïs, imam Capucijn bangsa Prasan saking Toulouse, poenika prijantoe ahli barang kina. Kala woelan kapengker pandjenenganipoen manganggi karavaan niti pariksa papan saki-doel-wétanipoen Abessinië. Pastoer Bernardin Azaïs sampoen gangsal taoen anggènipoen anindakaken paniti-priksa bab prakawis-prakawis djaman kina, ngantos saged kekemplak boekti warni-warni ingkang migoenani. Pandjenenganipoen samangké saweg matitisaken barang-barang kina ing karadjan Kaffa djaman roemijin.

Katjarjos, kala 15 taoen sadè-rèngipoen perang ageng, pastoe Ozaïs sampoen dados missionaris wonten Abyssinië. Salebetipoen 15 taoen, pandjenenganipoen ngoepakara tetijang sakit boedoeg ing Harar. Nalika djaman perang, pandjenenganipoen kaangkataken perang dateng saelèripoen Griekenland. Inggih nalika samanten poenika petjahing pangertosipoen bab kawroeh barang kina.

Sakèndelipoen perang ageng, pastoe waoe wiwit toemandang njamboet damel. Saking dawoehipoen Ministere Onderwijs ing Paris, pastoe Ozaïs andjadjah tanah Ethiopië ngantos rambah kaping tiga.

R. K. Jeugdwerkorganisatie ing Nederland.

Jeugdorganisatie ing Nederland madjeng. Manoet verslag taoen 1928, R.K. Jongenspatronaten ingkang anggadahi tjabang 14, warga 3380, sapoenika tjabangipoen dados 513, warganipoen 31.379.

Pakempalan-pakempalaning laré ingkang mligi ngrembag Agami warganipoen dados 103.584. (mindak 4812). Pakempalan-pakempalan toemrap kasarasaning badan, warganipoen mindak 2000.

Jeugdwerkorganisatie sampoen anggadahi warga langkoeng saking 200.000.

Serat kabar énggal.

Ing Amsterdam tjalon wonten serati kabar Katholiek ingkang oegi anggadahi ochtend lan avondblad.

tosan. Radjakajaniipoen inggih dipoensadèni kanggé toembas tetedan. Katjarjosaken oegi, Boepati Pamekasan mentas neda arta voorschot dateng Resident katahipoen f 3000 preloe kanggé toembas gaplèk, minangka tjadongipoen tetijang ing Propoh.

Dados panitra kongsoel ing Djedah.

Asistèn Wedana Algemeene politie ing Semarang, sadèrèk Abdoel-kadir Widjajaatmadja, kaangkat dados panitra kongsoel ing Djedah.

Fadjar Azia pedjah.

Dagblad *Fadjar Azia* gadahanipoen P. S. I., sapoenika sampoen boten medal. Kawartosaken bilih P. S. I. namoeng badé ngedalaken serati kabar minggon minangka adjang-ing pakempalanipoen.

Manoenggilipoen partij tengen.

Saking tjarijosipoen A. I. D., para warga Raad Kawoela golongan tengen sami anggolong ngawontenaken federatie, kanggé ngrembag prakawis-prakawis ingkang preloe. Nanging federatie waoe boten anamtokaken sadaja warga kedah manoet pamanggihiipoen federatie. Tegesipoen: manawi wonten warga ingkang gadah pamanggihi mijambaki, warga waoe boten dipoenpeksa ngoerbanaken pamanggihiipoen.

Déné ingkang loemebet wonten federatie waoe: P. E. B. golongan Walandi, M. P. V. ingkang anggadahi babantèng dr. Apituly; I. E. V.; para warga Tionghoa; P. E. B. golongan Priboemi.

Raading federatie badé ngrembag poenapa-poenapa ingkang tjalon karembag wonten Raad Kawoela. Saben parté ngintoenaken wakil satoenggal.

Grija pondokan.

Pewarta Soerabaja martosaken bilih saking ihtijaripoen sadèrèk Protestant ing Soerabaja, ing ngrika badé dipoenwonteni grija pondokan kanggé moerid-moerid Protestant, poenapadéné grija sipengan kanggé tjang Protestant ingkang ngoepados pandamelan dateng Soerabaja. Pondokan ingkang kanggé moerid waoe tjalonipoen kaanggé mirah. Déné grija sipengan kanggé tetijang Protestant ingkang pados pandamelan dateng Soerabaja, tjalonipoen tanpa bajaran.

Badé ngitjalaken.

doekoen-doekoen bangsa Hindoe.

Toewan Dr. Winckel inspecteur Dienst Volksgezondheid ing Djawi Kilèn, saweg amboedidaja sasaged-sagedipoen nedyia ngitjalaken doekoen-doekoen bangsa Hindoe ingkang masang advertentie wonten serati-serati kabar, njarijosaken manawi saged njarasaken sawarnining sasakit, mangka sadjatosipoen namoeng djadjal-djadjal badé njarasaken. (*Sin Po*).

Tijang bebara bangsa Djepang toewin Tionghoa.

Ing wekdal ingkang kanteen-kanteen poenika, katawis indakipoen tjang bebara bangsa Djepang sami anggaota pados oelam, margi sami mangertos, poenika ngedalaken kasil katah.

Salebetipoen sawatawis woelan kapengker, ing Tandjoeng Prijoek kadatengan djoeroe misaja oelam bangsa Djepang, langkoeng saking 100. Nanging anèhipoen, déné tetijang Djepang poenika waoe boten wonten ingkang langkah saking oemoer 20 á 21 taoen, lan mèh sadaja asli saking panggénanipoen tjang misaja oelam ing Okinawa-Kin ing Djepang. Kadjawi poenika, tetijang waoe ingkang katah-katah katingal manawi tjang saged.

Déné tjang bebara bangsa Tjina inggih katawis mindak. Ing wekdal samangké katah tjang èstri saking Tionghok ambekta anak-anakipoen. Poenika gandèng kalijan sempoe-loering panjamboetdamelipoen sadèrèk Tjina ing ngriki. Singsèksingkek ingkang mandé lss., panjamboetdamelipoen ngredjekèni, ngantos saged andatengaken anak-bodjoniipoen saking Tionghok, oeta-wi andatengaken tjang èstri saking nagarinipoen tjalon kanggé sisihan.

Tetijang saking nagari Tionghok ingkang sami pados pandamelan wonten tanah ngriki poenika, kabekta saking resahing kawontenan ing ngrika, katah bégal-bégal toewin doerdjana. Dados anggènipoen sami mirki waoe dapoer ngoesèkaken gesang. Ing doesoen-doesoen, dalasan ing kita ageng-ageng ing nagari Tjina, tetijangipoen roemakos boten angsal pangajoman njekapi tansah ginanggoe damel bégal, brandal sasaminipoen. Makaten pamirengipoen *Aneta*. (Tijang ingkang mireng kawontenan ing nginggil sampoen mestinipoen manawi ladjeng saged moengel: „Wong kanakana pada teka mréné golèk pangan. Nanging wong kéné pada menjang sabrang anggolèk sega sapiring. Memelas! Red.)

ONTJÈN SEKAR GAMBIR MELATI.

PANGAJOMAN TOEMRAP BRAJAT.

(*Gandèng kalijan Volksraadprogram-ipoen I. K. P. kanggé taoen 1931-1935*).

—)o(—
II.

Wonten Sw. T. kapengker kaseboet ing wawaton nomer 2, koela sadaja sami soemerep paoegeranipoen Pasamoewan Soetji toemrap brajat.

Kita mangertos: idjab makaten dados tatalesing brajat; déné brajat dados dadasaring maatschappij.

Mila manawi tjang badé andjoendjoeng daradjading gesang sasarengan, kedah boten nilar wawaton leres toemrap idjab toewin brajat.

Dawoeh pangandika dalem Sri Nata Pandita Leo XIII, kaseboet wonten nawala „Quod apostolici muneris” katitimangsan ing Rome kaping 28 December 1878, makaten: „(.....) Maatschappij ing sadjroning omah, ikoe dadi tatalesing sawarnané nagara lan karadjan. Pranatan sing betjik toemrap maatschappij iki, bakoéné koedoe adadasar babrajané lanang karo wadon; lan babrajané lanang karo wadon iki maoe koedoe ora kena pedot.”

Ing ngriki terang malih, bilih kutumba pantjen dados tatalesing maatschappij. Mila, pangreksaning brajat makaten ingkang bakoe doemoenoeng wonten bapa bijoeng, boten wonten maatschappij!

Kadjawi poenika, dawoeh dalem waoe oegi ateges ngambali dawoeh dalem Hyang Paneboes, bilih idjab makaten prakawis soetji, boten kènging dipoensoewijah. Tegesipoen: ing dalem idjab prija toewin wanita kedah ngèsti gagajoehan loehoer, oetami, boten winasésa déning nafsoe-chéwani.

Sasampoenipoen kita damang kalijan wawaton Katholiek toemrap idjab toewin brajat, mangga sapoenika sami ningali wawaton-wawaton babprakawis waoe ingkang dados paoegeranipoen para remen damel modèl énggal.

Manawi kita njatitèkaken poenapa ingkang kaseboet ing dalem babad, kita ladjeng mangretos djagading manoengsa (sadjawining Katholiek) saja dangoe saja boetek. Margi koemaloengkoengipoen, ladjeng sami kontjatan toewin nilar papandom ingkang leres. Kanjataan-kanjataan ingkang sampoen madjaman-djaman wontenipoen, kaanggep barang kina, boten andjamani. Kawoela ingkang sami ngegoengaken sifating „akoe”, sami taloesoepan ngoepados gagrag énggal. Pamanggihiipoen sami nglempara déning kètjalan papandoming boedi leres. Anggepipoen poen „akoe” waoe, sampoen doemoenoeng wonten poentjaking redi ingkang inggil pijambak. Manoengsa sanèsipoen katingal kados semoet pating gremet wonten sangandapipoen. Mila, poen memend „akoe” ladjeng medaraken ngèlmoe *pepetingan* ingkang roemaosipoen ngoengkoeli kasoenjatan-kasoenjatan wedalan Pasamoewan Katholiek.

Wontening ngèlmoe *Bolchewisme* lss. ing nagari Roeslan, poenika kalebet wohing pamboedidajanipoen para ingkang ngegoengaken sifating „akoe.”

Pamanggihiipoen Sovjetisme toemrap idjab toewin brajat tétéla kosokwangsoel baledjed kalijan paoegeran kita. Wawaton bolchewisme toemrap prakawis waoe ngrisak poenapapoenapa ingkang sarwa soesila.

Ing boekoe oendang nagari babagan ingkang magepokan idjab, damelanipoen sovjet kala taoen 1919, anetepaken: „Wong toewa ora doewé wewenang lan kawadjaban toemrap anaké. Sing ndoewèni wadjab, nagara. (gemeenschap). Babadan kang tinanggenah ngopèni anak-anaké wong-wong, koedoe ngatonaké jèn enggoné ngopèni loewih betjik tinimbang manawa botjah-botjah diroemat wong toewané

déwé. Awit, wong-wong toewa sing djaréné tresna karo anaké maoe pada ora doewé pangerti; ora doewé sarana-sarana kaja kang didoewèni nagara.

Anggering nagara toemrap idjab anetepaké: toedjoening idjab koewi doedoe noeroenaké anak. (Dados namoeng kanggé noeroeti birahining manah).

Tatalesing brajat doedoe idjab kaja panemoe sing bijèn-bijèn. Sing bakoe waton noeroenaké. Moelané wong-wong wong lanang lan wadon ora doewé wewenang toemrap anaké. Sing ndoewèni, nagara.

Nagara ngenakaké waé, wong-wong pada idjab lan pegatan. Moelané nagara ora anetepaké idjab koewi dadi jajasen kanggo ngaoerip.”

Dadasaring brajat toewin idjab ingkang kados makaten waoe, tétéla nglorotaken daradjading manoengsa. Golongan waoe kesoepeèn (boten poeroen ngandel) jèn manoengsa poenika wadag kalijan aloes dados satoenggal. Anggènipoen moengel, paoegeran makaten poenika saged noewoehaken samining wewenang toemrap sadaja laré, boten pradoeli anakipoen sinten. Nanging persamaan makaten poenika waoe poenapa inggih saestoe andajani saé dateng laré? Sampoen genah boten! Malah kepara andjalari toewoehing moesibat warni-warni! Awit, kados ingkang kerep katjarjos wonten salebeting serati-serati kabar, ing Roeslan katah sanget laré sami moersal, ambrandal, ngètfjoe, sasaminipoen.

Toemrap prakawis salaki rabi, wedjangan bolchewisme boten namoeng mandeg doemoegi samanten. Bolchewisme *anggamplaken sanget* tjang pegatan. Anggènipoen njoe-kani serati pegat boten soesah ngentos golonging panedanipoen tjang kalih-kalih pisan; salah satoenggal kémawon sampoen tjekap. Lan sawantji-wantji neda pegat, inggih kéngang-kénging kémawon.

Mangga papatjak-papatjak bab pegatan (damelan Roeslan) ing ngandap poenika sami dipoenraosaken:

Art. 37. anetepaken: nagari badé njoe-kani serati-pegat manawi tjang sakalih-kalihipoen sami golong neda pegat. Botenipoen makaten inggih tjekap salah satoenggal kémawon.

Art. 90. Anggènipoen neda pegat, dateng pangadilan ing padoenoeng-anipoen tjang kalih waoe. Déné manawi ingkang neda pegat namoeng salah satoenggal, anggènipoen lapoer dateng pangadilan ing padoenoeng-anipoen ingkang neda pegat; oeta-wi dateng pangadilan ing padoenoenganipoen ingkang katedakaken pegat.

Art. 91. Manawi anggènipoen neda pegat waoe pantjen dados kadjengipoen tjang kalih, poenika anggènipoen neda, kénging dateng kantor idjab ingkang njimpen serati-idjabipoen tjang kalih waoe.

Nitik soeraosing papatjak-papatjak kaseboet nginggil, tétéla manawi kori ingkang soeka margi dateng pegatan dipoenengakaken wijar sanget.

Artikel 130, 131, 132, anemtokaken golongan ingkang sekèng ingkang pipisahan kalijan rabinipoen, poenika taksih pikantoe kateda saking tilas sisihanipoen. Prakawis poenika inggih ladjeng ngindakaken senengipoen tjang mainan serati-pegat! Lan poenapa pambajaranipoen inggih saged adjeg saé? Sampoen genah boten!

Mangga, pamanggihi Katholiek kalijan pamanggihi bolchewisme poenika ladjeng pandjenengan djè-djèraken!

Kumuningsaselé, 25 Nov. 1929.

Taklim: *Patjar Mérah*.

Kobong gesang-gesangan.

Margi katah lemoet, tjang èstri ing Kampoeng Poelo Glatik, Tjikarang, njomet bedijang wonten salebeting grija. Tjjang èstri waoe tilem kalijan anakipoen tiga; déné ingkang djaler saweg késah roenda. Satengahipoen tilem, grija moeroeb. Bijoeng kalijan anakipoen kalih saged ontjat. Nanging anak ingkang nomer tiga, oemoer 7 taoen, nalika tangi sampoen keboenton margi, déning latoe, andadosaken lan tiwasipoen. Kawontenaning majitipoen ngeres-eresi; Grijanipoen loedes dados awoe sadaja.

Baita perang Parangakik.

Tanggal 28 November poenika, Tg. Priok kadatengan baita perang gadahanipoen nagari Parangakik, nama *Bellatrix*. Baita perang waoe anggènipoen laboeh wonten Tg. Priok doemoegi 1 December; saking

ngrikoe ladjeng dateng Makasar sawatawis dinten.

Bellatrix. (1250 ton), isi mrijem 15 c.m. kalih, mrijem 7½ c.m. kalih, mrijem alit-alit sawatawis, opsir 6, lan sor-soranipoen 97.

Kanggé preloenipoen goep. Bornéjo — Inggris.

Goepermèn Bornéjo Lèr bawah Inggris, angsal palilahipoen Paréntah ngriki, salebetipoen kalih taoen, kénging mendet koeli Djawi (djaler lan èstri) katah-katahipoen 2000.

Spreekdelict.

Pangarsa P.N.I. Semarang, sadèrèk Tjipta, kapoetoes déning landraad Pekalongan kaekoem 2 taoen kasoeda wekdal tahanan. Prakawis poenika gandèng kalijan anggènipoen spreekdelict kala vergadering P.N.I. Pekalongan tanggal 21 Djoeli.

K A B A R O E M O E M .

I N D O N É S I J A H .

Waterleiding Pakalongan.

Saking tjarijosipoen Aneta, gemeenteraad Pakalongan boten njondongi oesoel ngawontenaken waterleiding. Awit, manawi wonten toenanipoen mindak dados tatanggèlan awrat.

Poetoes iksamenipoen.

Sadèrèk Goelarsa Astraadikoesoema saking Pati, kalijan sadèrèk Admiraal saking Malangbong, poetoes iksamenipoen dados dokter Indonèsijah. (pamoelangan dokter Betawi).

Sadèrèk Aolia saking Kotagedang Fort de Kock, poetoes iksamenipoen dokter wonten pamoelangan loehoer gemeente ing Amsterdam.

Sadèrèk M. Prijaetama, loeloes kandidat-iksamen Indische letteren

wonten pamoelangan loehoer ing Utrecht.

Sadèrèk Soewarna Prawirahardja poetoes iksamen doctoraal Ind. Recht wonten pamoelangan loehoer ing Leiden.

Grija sakit ing Malang.

Raad gemeente Malang mentas netepaken nedyia ngadegaken grija sakit gemeente. Waragadipoen karantjang f 460.000, sarta kasoeuwenaken soebsidi dateng Paréntah katahipoen f 345.000.

Ing Madoera kekirangan teda.

N. Soer. Crt. njarijosaken patjeklik ing Madoera (gandèng kalijan pandjanging mangsa katiga) saja anggegiris. Gegadahanipoen tetijang ngrikoe sami malebet ing pagan-

M. v. BIENE.

Toekang herlodji
dan Toekang emas.

Adres jang
moerah

DJOKJA BANDOENG
Telf. 252 Telf. 226

boeat LONTJENG, HER-
LODJI dan PERKAKAS
EMAS.

Pembatja
SWARA TAMA,

dengan bawa lembaran
Swara Tama
dapat POTONGAN.

PAKOLÈH TOER LOEWESAN
SAÉ TOEWIN AWÈT
INGGIH NAMOENG

MERK GAZELLE

INGKANG AWOEDJOED

ALCYON
DUNLOP } RIJWIELEN
R. I. W.

Nitjil kénging! — Kentjèng soekoer!

GAZELLE HUIS — ROEMAH GIDANG
MALIOBORO — DJOKJA — TELF. 508.

KALAU BELI OBAT - OBAT

DJOKJA **DJOKJA**

mémang tiada maoe pakai per-
tjoema, melainkan boeat djaga
keséhatan. Tetapi kalau tiada te-
rima obat jang selamanja baroe
dan paling baik, lebih pintar
Djangan beli sama sekali.

Obat-obat keloearan roemah² obat

MALIOBORO **„RATHKAMP”** **MALIOBORO**

soedah terkenal berapa banjak
poeloehan tahoen dan bisa dapat
beli dimana-mana tempat. Kalau
dapat beli tjap

DJOKJA **„RATHKAMP”** **DJOKJA**

tanggoeng beli jang paling baik.
Djaga tjap „RATHKAMP”
dan „ERCEE”

DJANGAN TERIMA BARANG JANG BARANGKALI KOERANG BAIK.

Matoer sanget noewoen dateng pa-
doeka rama Pastoor H. van Driessche,
lan para kadang mitra sadaja, ingkang
sampoen sami ngoepakara lan béla soeng-
kawa dateng M. Marianus Sastraotama
ingkang mentas kapoendoet ing Goesti,
nalika malem Selasa tanggal ping 19 No-
vember poenika.

Pangrèh K. W.
GANDJOERAN.

TOKO DJOEN & Co.
PATJINAN TELEF. NO. 374 DJOCJA.

BOEWAT MERAJAHKEN
HARI RAJA ST. NICOLAAS.

Kita baroe trima¹

CHOCOLADE - LETTERS,
CHOCOLADE - FIGUREN,
CHOCOLADE - LUXE DOOZEN BONBONS,
dan lain - lain.

Djoega selama bisa belie:
= **KOEWEH² SPECULAAS** =
djoega bisa die trima pesen seharie die moeka
= **FRAAIE BOTER LETTERS** =

Boewat pesenan koeweeh speculaas lebih
darie 10 pond, die reken banjak lebih
moerah.

MEMOEDJIKEN DENGAN HORMAT:
TOKO DJOEN & Co.

TOKO BARANG - BARANG.
H. SPIEGEL — DJOKJA.

BOEAT KEPERLOEAN ST. NICOLAAS:
kami ada sedia:

roepa-roepa dolanan bagi anak-anak
moela¹ harga 15 cent sampai f 40.

OENTOEK KEPERLOEAN KERSTMIS,
kami ada sedia:

matjem-matjem barang boeat geschenk;
Kerstboomen dan perhiasan Kerstboom

Sekolahan-sekolahan dan perhimpoean-perhimpoean,
bisa terima potongan harga.

DARI SEBOETAN
DJADI REBOETAN

DALAM **3** BOELAN
TELAH DIDJOEAL
LEBIH DARI
55.000

VOLKSALMANAK 1930

BALAI POESTAKA

Akan tetapi masih ada.
Bahasa DJAWA, MELAJOE, SOENDA.

DJAMNJA HARI ACHAD DI SEMENTARA TEMPAT ADA KOERBAN MISSA.									
Ambarawa	6.30 - 8.30.	Lamah	5.30 - 6 - 8.	Pekalongan ⁵⁾	7.30.	Soerabaja:			
Amboina	7.30.	Lawang ⁵⁾	7.	Pemalang ³⁾	7.30.	Kepandjen	6 - 7 - 9.		
Bagan Siapi-api	7.30.	Madioen	6 - 7.30.	Pemangkat	8.30.	Anita Boul.	6 - 7.30 - 9.		
Bandoeng	6 - 7.30 - 9.	Magelang	7 - 9.	Poerwokerto	7.30.	Soerakarta	6 - 7 - 8.30.		
Benkoelen	7.30 - 9.	Makassar	6 - 7.30.	Poerworedjo	7 - 8.30.	Tandjoeng Balai	7.30.		
Blitar	7.30.	Malang	6 - 7.15 - 8.30.	Pontianak	7 - 8.30.	Tandjoeng Karang	8.		
Buitenzorg	6 - 8.	Manado	6 - 7.30.	Probolinggo	7.30.	Tandjoeng Sakti	7.30.		
Cheribon	7.30.	Medan	6.30 - 8 - 8.30 (tjina).	Salatiga	7.30.	Tara - Tara	7.30.		
Djember	7.30.		9.30 (mal.).	Sambas	6 - 8.30.	Tegal ²⁾	7.30 - 9.30.		
Djokja:		Medari ⁶⁾	7.30.	Sambong	8.	Tering	7.		
Kampementstraat	Eur. 7 - 9.	Meester Corn.	7 - 9.	Sawah Loento	7 - 8.30.	Tjilatjap ⁹⁾	7.30.		
Kota Baroe	Jav. 6 - 8.	Mendoet	6 - 7.30.	Sedajoe	7.	Tjimahi	6 - 8.		
Djombang ¹⁾	6 - 7.30.	Modjokerto	6 - 8.	Sedjiram	5.45 - 8.30.	Tomohon	7 - 8 - 9.		
Fort de Kock	7.30.	Moentilan	5 - 6 - 8.	Semarang:		Wates ⁷⁾	7.		
Gandjoeran ²⁾	7.	Muntok	8.	Gedangan	7 - 9.	Witelvreden:			
Gombong ³⁾	7.30.	Ngawi ⁷⁾	7.30.	Bangkong	6.30 - 8.	Waterlooplein	5.45 - 7 - 9.		
Keboemen ⁴⁾	7.30.	Padang	7 - 8.15 - 9 (tjina).	Tjandi	7.	Kramat	6 - 8 - 9 (mal.).		
Kediri	7.30.	Padang Pandjang	7.30.	Randoesari	7.	Wonosobo ⁸⁾	7.30.		
Klatèn	7.30.	Pajakombo	7.30.	Singkawang	6.30 - 9.	Woloan	8.30.		
Koeta Radja	6.30 - 8.	Palembang	7 - 9.	Soekaboemi	6 - 7.30.				
		Paseroean ¹⁾	7.30.						

¹⁾ 1e. Achad. ³⁾ 2e. Achad. ⁵⁾ 1e., 2e., 4e. Achad. ⁷⁾ 3e. Achad.
²⁾ 1e. + 3e. Achad. ⁴⁾ 1e. Achad tiap² doea boelan. ⁶⁾ 2e., 4e. Achad. ⁸⁾ 4e. Achad.

MANTJA NAGARI.

NEDERLAND. Barang-barang ingkang mlebet lan medal. Salebetipoen woelan October, barang-barang ingkang mlebet dateng Nederland pangaos f 258 mlijoen (kala Oct. '28 wonten f 234 mlijoen). Wiwit Jan. '29 doemoegi Oct. kapengker poenika, barang ingkang mlebet pangaos f 2300 mlijoen (Jan. '28 — Oct. '28 f 2252 joeta) Déné barang ingkang medal, salebetipoen Oct. pangaos f 185 mlijoen. (Oct. '28, wonten f 180 joeta). Salebetipoen Jan. '29 doemoegi Oct. kapengker goenggoenging barang ingkang medal pangaos f 1680 joeta (kala Jan. '28 — Oct. '28 wonten f 1652 mlijoen).

Poetri Juliana. Maasbode njarijosaken ing salebeting kalangan student wanita ing Leiden wonten pawartos bilih bédjng satamating sinaoenipoen, poetri Juliana badé patjangan. Nanging poenapa kabar waoe temen, poenika dèrèng saged anemtokaken.

BARITANIJAH. Tjatjahing réntjang toembasan ing sadonja. Lady Simon ngedalaken boekoe nama „Slavernij.” Wonten boekoe ngrikoe katerangaken, tjatjahing réntjang toembasan ing sadjadag taksih wonten 5 mlijoen. Boekoe waoe aneangaken ingkang taksih wonten tjara makaten poenika, ing nagari Abesiniè, Arab, Tiongkok. Ing nagari nagari waoe warni² tindak daksija ingkang katandoeaken dateng réntjang toembasan.

DJERMAN. Hindenburg kalijan sport. Présidèn Hindenburg mentas

nampèni pisowanipoen satoenggiling ahli atletiek bangsa Djerman. Ahli sport poenika waoe mentas lelana saking nagari Djepang. Wonten poengkasaning odènsi, présidèn Hindenburg njarijosaken bilih sport makaten sakalangkoeng migoenani toemrap bangsa Djerman ingkang dèrèng pikantoeke poepoetjoeking militaire oefeningen.

Radja pedjah. Ing Djerman sami angraosaken radja-pedjah-radja-pedjah tjang èstri, ingkang semoenipoen katindakaken déning satoenggiling komplot, poenapa kados-poenidi. Anggènipoen medjahi tjang oetawi laré èstri mawi tjaranipoen doerdjana Inggris ingkang nama Jack the Ripper. Kala tengah-tengahipoen woelan poenika, tetijang sami manggih bangkènipoen tjang èstri wonten Dusseldorf. Bangké poenika bangké ingkang nomersangalas, ingkang toewoeh saking kadoerdjananipoen doerdjana njalawados waoe.

Poelisi ing Dusseldorf sanget anggènipoen ngoebres, mawi kabijantoe poelisi - poelisi - sandi ingkang sampoen misoewoer kasaged-anipoen. Radja pedjah ing Dusseldorf soeka wewenang sakedik kalih kedik dateng poelisi. Doerdjana waoe ngintoeni kartoepon biro kapoelisèn, anedahaken poendi doenoenging papan pendeman bangké ingkang kedah kadoedoek. Kadjawi poenika, doerdjana waoe njoeakani soemerep bilih pijambakipoen sampoen késah saking Dusseldorf. Tjara makaten waoe, perloenipoen namoeng kanggé mabebingoeng poelisi anggènipoen pados katrangan.

Tetijang èstri ing Djerman manahipoen sami koewatos, bokbilih kadoerdjanan waoe timboel malih.

PARANGAKIK. Rantjangan Marine. Minister barisan samodra ing Parangakik ngladosaken rantjangan marine kanggé taoen 1930. Manoe rantjangan waoe, tjalonipoen nagari damel kruiser 1, torpedo jager 6, baita silem 6. Ragadipoen karantjang 1.267.000.000 francs, kapérang-pérang wonten begrooting taoen 1930 doemoegi 1934.

Pangrengkoeh dateng tetijang mantja. Parepatanipoen panitya bab pangrengkoehipoen nagari dateng tetijang mantja, anetepaken: oemoenipoen tetijang mantja anggadahi wewenang sami kalijan kawoela toemrap prakawis economie, poenapadéné pandamelan.

Kapal silem ingkang ageng pijambak. Parangakik jasa kapal silem, kanamakaken *Surcouf*. Kapal silem (duikboot) waoe agengipoen 3250 ton, lan sami-sami kapal silem ing sadjadag kalebet ageng pijambak.

Kapal silem *Surcouf* sampoen katapakaken wonten toja kala 18 Nov. Babaoening baita 150. Dedamelang perang ingkang wonten ngrikoe mrijem 5,5 inch, sakawan. (1 inch 2,54m.), watervliegtuig alit satoenggal, l.s.s.

Baita silem *Surcouf* tjalon saged njilem doemoegi lebet kirang langkoeng 126 meter (420 kaki). Mangka kapal silem sanèsipoen, lebet-lebetipoen anggènipoen njilem namoeng doemoegi lebet 99 meter (330 kaki).

PALESTINAH - MESIR. Nanggoelang komunisme. Wonten ing awaling taoen ngadjeng, nagari kalih waoe badé rerembagan, preloe roeroekoenan anindakaken pranatan anglawan komunisme.

TOERKI. Dinten Djoemoewah kasantoean Ngahad. Sakedap malih Toerki ngedalaken tetapan nagari, anetepaken dinten ngaso boten doemawah wonten Djoemoewah kados sapoenika, nanging kadawahaken wonten Ngahad. Soepados tjang katha seneng manahipoen, kaoesoelaken soepados namaning dinten kalih waoe kawalik, i.p.: dinten Djoemoeah soepados dipoen-namani Ngahad, déné dinten Ngahad ingkang kanggé ngaso waoe, soepados dipoen-namani Djoemoewah.

TIONGKOK - SOVJET. Salebetipoen minggoe kapengker Sovjet ngajoni Tiongkok saking kalih prenah wonten Chin. Oosterspoorweg. Montor maboer Sovjet ngilang wonten sanggiling Hailar, wonten koekoeban Dalainor-Manchoeli, kalijan ngoentjalaken bom-bom ngrisak setatsijoen montor maboer gadahanipoen Tiongkok.

Wadya Tiongkok tjampoe kalijan wadya Roeslan wonten koekoeban Dalainor. Montor maboer Sovjet ngoentjali bom trèm Tiongkok wonten saantawisipoen Dalainor kalijan Chinkiang, andjalari karisakan ageng.

Sovjet roemaos boten saranta déné rerembaganipoen Tiongkok kalijan Roeslan bab Oostersche spoorweg dèrèng wonten rampoengipoen. Mila ladjeng anetepaken njantosani padjagèn militèr wonten papan-papan ingkang kamanah preloe ing tapelwates Roeslan.

CANADA. Mangsoelaken barang Djerman. Canada tjalon mangsoelaken barang-barangipoen Djerman. Djaksa toewan Thomas Mulvey kengkèng dateng Berlin preloe re-

rembagan bab pranataning wekdal pambayaran. Pangaosing barang-barang Djerman ingkang kabeskoep wonten Canada waoe, 13 mlijoen dollar.

AMERIKA. Toembas baita. Amérikah mentas toembas baita 30, regi 1.471.000 dollar. Baita-baita waoe badé kanggé preloening padagangan Amérikah wonten palaboehan-palaboehan Roeslan ing soenglon Perziè, poenapadéné wonten palaboehan-palaboehan ing Siberiè.

AUSTRALIA. Nalika ambikak parlement, goepnoer-djéndral Australie aneangaken, nagari badé mantoeni anggènipoen atoetoeloeng para ingkang bebara dateng Australia, margi Australia pijambak katha sanget tjang nganggoer. Paréntah Australie kapeksa njijotaken kori ingkang kanggé nglebetaken imigranten bangsa mantja wonten nagari ngrikoe.

